

Հավելված N1  
ՀՀ վարչապետի 2020 թ.  
ապրիլի 21-ի N 470 - Ա  
որոշման

Կ Ա Ջ Մ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԱՇՏՊԱՆԱԿԱՆ ՈԼՈՐՏԻ ԲԱՐԵՓՈԽՈՒՄՆԵՐ  
ԻՐԱԿԱՆԱՑՆՈՂ, ՆԵՐԱՌՅԱԼ՝ ԱՐԱՏԱՎՈՐ ԵՐԵՎՈՒՅԹՆԵՐԻ ԴԵՄ ՊԱՅՔԱՐԻ  
ԱՐԴՅՈՒՆԱՎԵՏՈՒԹՅՈՒՆԸ ԲԱՐՁՐԱՑՆՈՂ ՄԻՋԳԵՐԱՏԵՍՉԱԿԱՆ ՀԱՆՁՆԱԽՄԲԻ

- ՀՀ անվտանգության խորհրդի քարտուղար (հանձնախմբի նախագահ)
- ՀՀ պաշտպանության նախարարի տեղակալ
- ՀՀ ազգային անվտանգության ծառայության տնօրենի տեղակալ
- ՀՀ ոստիկանության պետի տեղակալ
- ՀՀ զինված ուժերի գլխավոր շտաբի պետի տեղակալ
- ՀՀ գլխավոր դատախազի տեղակալ (համաձայնությամբ)
- ՀՀ քննչական կոմիտեի նախագահի տեղակալ (համաձայնությամբ)
- ՀՀ հատուկ քննչական ծառայության պետի տեղակալ (համաձայնությամբ)
- ՀՀ կրթության, գիտության, մշակույթի և սպորտի նախարարի տեղակալ
- ՀՀ արդարադատության նախարարի տեղակալ
- ՀՀ առողջապահության նախարարի տեղակալ
- ՀՀ Ազգային ժողովի պաշտպանության և անվտանգության հարցերի մշտա-  
կան հանձնաժողովի նախագահ (համաձայնությամբ)
- ՀՀ մարդու իրավունքների պաշտպան (համաձայնությամբ)
- ՀՀ անվտանգության խորհրդի գրասենյակի ներկայացուցիչ (հանձնախմբի  
քարտուղար)

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏԻ ԱՇԽԱՏԱԿԱԶՄԻ  
ՂԵԿԱՎԱՐ

Է. ԱՂԱՋԱՆՅԱՆ

Կ Ա Ր Գ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԱՇՏՊԱՆԱԿԱՆ ՈԼՈՐՏԻ ԲԱՐԵՓՈԽՈՒՄՆԵՐ  
ԻՐԱԿԱՆԱՑՆՈՂ, ՆԵՐԱՌՅԱԼ՝ ԱՐԱՏԱՎՈՐ ԵՐԵՎՈՒՅԹՆԵՐԻ ԴԵՄ ՊԱՅՔԱՐԻ  
ԱՐԴՅՈՒՆԱՎԵՏՈՒԹՅՈՒՆԸ ԲԱՐՁՐԱՑՆՈՂ ՄԻՋԳԵՐԱՏԵՍՉԱԿԱՆ  
ՀԱՆՁՆԱԽՄԲԻ ԳՈՐԾՈՒՆԵՈՒԹՅԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգը կարգավորում է Հայաստանի Հանրապետության պաշտպանական ոլորտի բարեփոխումներ իրականացնող, ներառյալ՝ արատավոր երևույթների դեմ պայքարի արդյունավետությունը բարձրացնող միջգերատեսչական հանձնախմբի (այսուհետ՝ հանձնախումբ) գործունեության, գործառույթների, աշխատանքների համակարգման, բաշխման և ղեկավարման հետ կապված հարաբերությունները:

2. Հանձնախումբն իր գործունեության իրականացման ընթացքում ղեկավարվում է Հայաստանի Հանրապետության Սահմանադրությամբ, օրենքներով, միջազգային պայմանագրերով, սույն կարգով և այլ իրավական ակտերով:

3. Հանձնախմբի առաջին նիստն անցկացվում է սույն որոշումն ուժի մեջ մտնելուց հետո 10 աշխատանքային օրվա ընթացքում:

4. Հանձնախումբն իր գործառույթների իրականացման նպատակով ձևավորում է աշխատանքային խմբեր՝ անհրաժեշտության դեպքում՝ գաղտնի:

5. Աշխատանքային խմբերի աշխատանքներին, ըստ անհրաժեշտության, կարող են ներգրավվել նաև փորձագետներ և քաղաքացիական հասարակության ներկայացուցիչներ:

II. ՀԱՆՁՆԱԽՄԲԻ ԽՆԴԻՐՆԵՐՆ ՈՒ ԳՈՐԾԱՌՈՒՅԹՆԵՐԸ

6. Հանձնախմբի խնդիրներն են Հայաստանի Հանրապետության պաշտպանական ոլորտում առկա խնդիրների վերհանումը, դրանց պատճառների բացահայտումը,

հետևանքների կանխարգելումը, ռիսկերի նվազեցումը և պաշտպանական ոլորտի բարեփոխումների իրականացման ուղղությամբ առաջարկությունների ներկայացումը:

7. Հանձնախումբն իր առջև դրված խնդիրների կատարման նպատակով իրականացնում է հետևյալ գործառույթները՝

1) Հայաստանի Հանրապետության պաշտպանական ոլորտի բարեփոխումներ իրականացնելու նպատակով ուսումնասիրում է ոլորտում առկա խնդիրները, այդ թվում՝ արատավոր երևույթները՝ ներգրավելով ոլորտի իրավասու մարմիններին.

2) վեր է հանում արատավոր երևույթների ծագման հնարավոր պատճառները, տարածվածությունն ու տեղայնացումը, տարածմանը նպաստող պայմանները.

3) նախանշում է արատավոր երևույթների տարածման և հետևանքների կանխարգելմանն ուղղված մեխանիզմները, ինչպես նաև ռիսկերի նվազեցմանն ուղղված անհրաժեշտ միջոցառումների շրջանակը.

4) Հայաստանի Հանրապետության պաշտպանական ոլորտի բարեփոխումներ իրականացնելու նպատակով կազմակերպում է անհրաժեշտ օրենսդրական փոփոխություններ և լրացումներ կատարելու վերաբերյալ նախագծերի մշակման աշխատանքները.

5) կատարում է Հայաստանի Հանրապետության պաշտպանական ոլորտի անհրաժեշտ բարեփոխումներ իրականացնելուն, ներառյալ՝ արատավոր երևույթների դեմ պայքարի արդյունավետությունը բարձրացնելուն ուղղված միջոցառումների ծրագրի մշակման աշխատանքներ, ներկայացնում է առաջարկներ՝ ուղղված ոլորտի բարեփոխումների հիմնական ուղղությունների սահմանմանը, արատավոր երևույթների կանխարգելմանը և ռիսկերի նվազեցմանը, հետևում է դրանց կատարման ընթացքին.

6) Հայաստանի Հանրապետության պաշտպանական ոլորտի բարեփոխումներ իրականացնելուն, ներառյալ՝ արատավոր երևույթների դեմ պայքարի արդյունավետությունը բարձրացնելուն ուղղված միջոցառումների իրագործման արդյունքների վերաբերյալ տեղեկատվություն է տրամադրում Հայաստանի Հանրապետության վարչապետին՝ եռամսյակը մեկ.

7) իրականացնում է աշխատանքների արդյունքում վեր հանված և հրատապ լուծումներ պահանջող խնդիրների լուծման նպատակով այլ գործառույթներ:

### III. ՀԱՆՁՆԱԽՄԲԻ ԳՈՐԾՈՒՆԵՈՒԹՅԱՆ ԿԱԶՄԱԿԵՐՊՈՒՄԸ

#### 8. Հանձնախմբի նախագահը՝

1) ղեկավարում է հանձնախմբի գործունեությունը.

2) հրավիրում, վարում և նախագահում է հանձնախմբի նիստերը կամ իր բացակայության դեպքում հանձնախմբի նախագահի լիազորությունների կատարումը հանձնարարում է հանձնախմբի անդամներից որևէ մեկին.

3) նշանակում է հանձնախմբի նիստի անցկացման վայրը և օրը.

4) հաստատում է հանձնախմբի անդամին փոխարինող անձի թեկնածությունը.

5) ամփոփում է հանձնախմբի նիստերի օրակարգում ընդգրկվող հարցերի առաջարկները.

6) որոշում է կայացնում աշխատանքային խմբերի աշխատանքներում փորձագետներ և քաղաքացիական հասարակության ներկայացուցիչներ ներգրավելու մասին.

7) հաստատում է աշխատանքային խմբերի անհատական կազմը.

8) իրականացնում է հանձնախմբի գործունեությամբ պայմանավորված՝ իրեն վերապահված այլ գործառույթներ:

9. Հանձնախումբն իր գործունեությունն իրականացնում է կոլեգիալության սկզբունքով՝ նիստերի միջոցով, որոնք գումարվում են ըստ անհրաժեշտության, բայց ոչ պակաս, քան յուրաքանչյուր ամիսը մեկ անգամ:

10. Հանձնախմբի նիստերի օրակարգը հաստատում է հանձնախումբը:

11. Հանձնախմբի նիստերի արձանագրություններն ստորագրում են նիստի նախագահը և քարտուղարը:

12. Հանձնախմբի նիստերն իրավագոր են, եթե դրանց մասնակցում է հանձնախմբի անդամների առնվազն 2/3-ը:

13. Հանձնախմբի նիստերի վերջնական օրակարգը և քննարկվելիք հարցերին վերաբերող այլ անհրաժեշտ փաստաթղթերը հանձնախմբի անդամներին են փոխանցվում նիստից առնվազն երեք օր առաջ:

14. Հանձնախմբի որոշումներն ընդունվում են բաց քվեարկությամբ՝ նիստին ներկա անդամների ձայների 2/3-ով:

15. Ձայների հավասարության դեպքում հարցը դրվում է լրացուցիչ քննարկման և անցկացվում է նոր քվեարկություն: Եթե հանձնախմբի որոշման վերաբերյալ որևէ անդամ ունի հատուկ կարծիք, ապա այն գրավոր կցվում է հանձնախմբի նիստի արձանագրությանը և հանդիսանում է վերջինիս անբաժանելի մասը:

16. Հանձնախմբի յուրաքանչյուր անդամ նիստին մասնակցելու անհնարինության դեպքում կարող է հանձնախմբի նախագահին՝ իրեն փոխարինող անձի թեկնածության առաջարկ ներկայացնել նիստից առնվազն հինգ օր առաջ:

17. Հանձնախմբի անդամները՝

- 1) մասնակցում են հանձնախմբի նիստերին.
- 2) առաջարկություններ են ներկայացնում հանձնախմբի նիստի օրակարգում ընդգրկվող հարցերի վերաբերյալ.
- 3) առաջարկում են ձևավորվող աշխատանքային խմբերում իրենց կողմից ներկայացվող գերատեսչության աշխատակցի թեկնածությունը.
- 4) առաջարկ են ներկայացնում աշխատանքային խմբերի աշխատանքներին փորձագետների կամ քաղաքացիական հասարակության ներկայացուցիչների ներգրավման վերաբերյալ.
- 5) իրականացնում են հանձնախմբի անդամի կարգավիճակով պայմանավորված այլ գործառույթներ:

#### IV. ՀԱՆՁՆԱԽՄԲԻ ՆԻՍՏԻ ԱՐՁԱՆԱԳՐՈՒՄԸ

18. Հանձնախմբի նիստերն արձանագրում է հանձնախմբի քարտուղարը՝ Հայաստանի Հանրապետության անվտանգության խորհրդի գրասենյակի աշխատակիցը:

19. Հանձնախմբի նիստի արձանագրության մեջ նշվում են՝

1) նիստի անցկացման վայրը, տարին, ամիսը և ամսաթիվը, նիստն սկսելու և ավարտելու ժամերը.

2) նիստի օրակարգը.

3) նիստին մասնակցող հանձնախմբի անդամների ներկայացրած հատուկ կարծիքը, առաջարկները և դիտողությունները.

4) ընդունված որոշումները՝ ներառյալ տվյալ որոշման վերաբերյալ քվեարկության արդյունքները.

5) այլ անհրաժեշտ տեղեկություններ:

20. Հանձնախմբի նիստերի արձանագրությունները կամ արձանագրության քաղվածքները տրամադրվում են հանձնախմբի անդամներին՝ յոթնօրյա ժամկետում:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏԻ ԱՇԽԱՏԱԿԱԶՄԻ  
ՂԵԿԱՎԱՐ

Է. ԱՂԱՋԱՆՅԱՆ